

## نقطة ومن أول السطر (حكاية رسالة )

حبيبتي أحب أقولك إن عمري ف يوم ما حببت حد قدك  
ولما جيت يوم وفكرت أحب حد قدك  
مالقتش حد يستاهل زيك  
ملقتش حد يحبني قدك  
عارفة إنتِ بتفهمني من نظرة عينا  
عارفة إمتي تفرحيني و إمتي تزعليني  
عارفة كل حاجة من قبل ما أقول أي حاجة  
عارفة لما جيتي يوم وقلت مالك  
ساعتها قلت ما فيش  
بس للأسف كان في حاجة  
عارفة كنتِ تحكي لي بالساعات إنك تعرفي حاجات غريبة وأنا ما كنتش أصدق  
وكنتِ تقولي أنا كنت عارفة إني هحبك  
وكنت أضحك من الكلام  
كنتِ تقولي مش مصدق طب ياريت كان في شيء يثبت كلامي  
عارفة حبيبتي إنتِ أحلى ما في دنيتي رغم فرقتي ليكي  
من يوم فراقك وأنا كل يوم أكتب رسالة  
و أبعثها ليكي واستني ردك بالساعات ولاتجيش  
ليه حبيبتي ما بتريش هو أنا زعلتك في حاجة  
حبيبتي عارف إنك زعلانة بس ما كان بإيدي الفراق خالص  
أنا لو عليّ أكتب لك كل يوم ألف رسالة بس ما في رسالة توضح الي صار

عارف إني جرحتك وعارف إنك زعلانة بس ياريت كان في شئ يطيب جرحك  
أنا آسف حبيبتى على فراقك بس أوعدك من بدري راجع  
من بدري راح أهد السور والموانع واشق كل طريق وأبنى كل جسر واليك  
راجع..حقك عليّ ماتزعليش وأنا لمين غيرك هعيش  
دا انتِ حبيبتى وغيرك ماليش

عمري ما أتمنيت في يوم حبيبة وأم لولادي غيرك حقك عليّ ماتزعليش  
واليوم قررت أكتب لك رسالة وهتوصلك وهتردي عليها عارفة ليه أصل كل  
الرسائل اللي فاتت أنا مابعتهاش كنت أكتبها  
وأحفظها في درج كبير والدرج مليان على آخره ومن الرسائل اللي منتظراكي  
تقريبها

رسالتى ليكي ويمكن تكون الأولى ويمكن تكون الأخيرة  
حبيبتى يا أغلى حبيبة يا نور السما وشمس الصباح  
يا قمر الليالي وكل الملاح أعذريني لو في يوم جرحتك أو بكيتك..  
على عيني حبيبتى أشوف دمعه عينك  
عارف كمان إعتذارى ميكفيش ولا يساوي دمعة من عينيكي بس أقولك أنا  
راجع..وعمري ما مفارق وهفضل معاك العمر كله حبيبتى يمكن لما تعرفني  
سبب فراقى ليكي تعذريني  
بس أوعدك وقتها هتقدريني وتعذريني حبيبتى ياريت كان في كلام يعبر أو  
يوصف اللي جوايا  
بس أقولك آسف حبيبتى وهي دى كل الحكاية

هدير شريف مصباح